

B



Planu di Ason di Transporti di Blue Hill Avenue

Atualizason di Outonu di 2024/Ebossu di Planu di Projetu

Tanpri ale nan mbta.com/BlueHillAve pou gade enfòmasyon sa yo an Kreyòl Ayisyen, Espanyòl, Kreyòl Cape Verdean, Vyetnamyen oswa Pòtigè. Pou mande tradiksyon nan lòt lang, tanpri kontakte BetterBusProject@MBTA.com.

Visite mbta.com/BlueHillAve para ver esta informacón en español, criollo haitiano, criollo caboverdiano, vietnamita o portugués. Para solicitar la traducción a otros idiomas, póngase en contacto con BetterBusProject@MBTA.com.

Acesse o site mbta.com/BlueHillAve para visualizar estas informações em português, espanhol, crioulo haitiano, crioulo cabo-verdiano, ou vietnamita. Para solicitar a tradução em outros idiomas, envie um e-mail para BetterBusProject@MBTA.com.

Favor di entra na site mbta.com/BlueHillAve pa odja es informason na crioulo cabo-verdiano, Spanhol, Kriolu di Haiti, Vietnamita, o na Portugues. Pa pidi traduson na otu língua, favor di kontata BetterBusProject@MBTA.com.

Vui lòng truy cập mbta.com/BlueHillAve để xem thông tin này bằng tiếng Việt, tiếng Tây Ban Nha, tiếng Haiti Creole, tiếng Creole Cape Verde hoặc tiếng Bồ Đào Nha. Để yêu cầu dịch sang các ngôn ngữ khác, vui lòng liên hệ BetterBusProject@MBTA.com.



Apresentason di esbossu di projetu di Blue Hill Avenue na Walk Hill Street, biradu pa sul.

Desdi 2019 ki MBTA y Munissípiu/ City of Boston sta trabdja djuntu pa faze melhorias di grandi nessessidadi na Blue Hill Avenue. Na kumessu di anu li, MBTA y City of Boston kumessa ta kontata menbrus di komunidad, di un ponta pa otu, ta plania un rua multimodal ki ta sirbi nessessidadis di rezidentis, tudu pessoas ki ta bai la, y pequnas enprezas desdi Mattapan Square ti Grove Hall. Ekipa di projetu kontata 24,000 agregadus familiar y organiza o partissipa na 19 eventus di divulgason unde ki es troka ideias ku mas di 2,000 pessoas pa toma ses opinion na tudu, desdi possivel lugar pa parajens di autokarru ti passaseras pa pions, árvoris y stasionamentu pa karru.

MBTA y City of Boston analiza kes opinions y aplika na esbossu di planu di projetu pa un Blue Hill Avenue mas **seguru, mas konektadu, y mas vibranti.**

Un Blue Hill Avenue mas seguru

Midjora seguransa na tranzitu, prinsipalmenti pa pessoas ta anda ku pé, é un prioridadi pa es projetu di renovason. Esbossu di projetu ta inklui novus passaderas mas kurtu, ku mas vizibilidadi, y mas assessível, ki ta faze es ser mas seguru y mas konvenienti pa pessoas bai a pé pa lojas y grejas na Blue Hill Avenue.

Un Blue Hill Avenue Mas Konektadu

Objetivu di es projetu di renovason propostu é di konekta menbrus di komunidadu ku ses morada y ku restu di sidadi. Konponenti mas inportanti di es projetu é introduson di faxas di rodajen sentral pa autokarru na tudu korredor di Avenida ki ta ben diminui txeu atrazus di autokarru, midjora oráriu di servissu, y da lugar pa mas viajens di autokarru disponível pa 40,000 pasajerus tudu dia. Es esbossu di projetu ta inkluí entri 9 y 11 par di plataformas di enbarki pa sirbi di parajens di autokarru. Kes lugaris foi skodjedu pamodi es ta da pasajerus assessu pa pontus inportanti na komunidadu, sima skolas, parkis, bibliotekas,



Partissipantis na Reunion Open House di Mattapan na Junhu di 2024 daba ses ideas y ses speransas pa Blue Hill Avenue.

abitason, árias komersial y sentrus klínikus, enkuantu el ta aborda nessessidadi di servissu sima midjora assessu y permiti spassu sertu entri kada parajen. Ten uns dos opsons diferentis ki ta ben determina nunbru final di parajens, y ekipa di projetu krê pa bu da bu opinion sobri kel ki ta sirbi bus nessessidadi midjor.


Ekipa di projetu trabadja pa mante maximu di stassionamentu pa karru possível, prinsipalmenti na árias di mas nessessidadi na es korredor interu. City of Boston ta kontinua ta kria regulamentus pa curbside (skina o bera di strada), pa ten mas zonas di dixa/panha pessoas o pa stassionamentu pa mas tenpu, pa garanti ki es ta sirbi nessessidadi di negóssius e di rezidentis na Avenida interu.

Un Blue Hill Avenue Mas Vibranti

Esbossu di projetu ta inkluí mas árias abertu pa públiku, ta da posibilidadi di podu mas árvoris, infrastrutura Verdi, arti públiku, bankus pa sinta, sestus pa lixu y otus regalias pa djuda negóssius local.

Flanu Kuzé ki Bu ta Atxa! | Kistionáriu Online

Vizita [MBTA.com/BlueHillAveSurvey](https://www.mbta.com/bluehillave) pa bu odja planu di projetu, sabe prossesu di kriason, y danu bu opinion na kistionáriu online ti dia 13 di Dezenbru di 2024.



Odja Design y Ajenda Konpletu di Eventu:

Website di projetu di MBTA:

[MBTA.com/BlueHillAve](https://www.MBTA.com/BlueHillAve)

Website di projetu di City of Boston:

[Boston.gov/bluehillave](https://www.Boston.gov/bluehillave)

Informason pa Kontatu:

Enderessu di email di MBTA:

BetterBusProject@mbta.com

Enderessu di email di City of Boston:

BLUEHILLAVE@BOSTON.GOV

Nunbru di telefoni di City of Boston:

617-635-3944